

клевету царьского сына блюсти в тайне, и в ту полату не приходит никому же, oprичь того клеветата.

И дасть жене своей рубашку царьского сына и рече ей ухищрением: „Се, жено, согреших, убих сына царьского, и рубашка кровава“. Жена же сего не ведала, что он куря заколов и рубашку окровавив дасть ей И кляся жена клятвами не явити тайны его. Тако же царь кликуну повелел кликати по всему граду, — кто бы сына его наказал жива или мертва, и многи дары сулит и жалование.

Се же пред царя приведоша людие татя. Царь же велел татя повесити. И тут прилучися быти царскому побратиму, и испроси татя того у царя, да его не велит царь повесити.

Некогда приде время которатися мужеви со женою. И бысть котора велика, и муж жену удари боляче, и жена назва мужа своего головником. И шед ко царю и сказа ему: „Государь царь, есть за мною речи, не могу их тебе сказати“. Царь же рече ей: „Скажи ми“. Жена же рече: „Государь царь, ими ми веру, скажу ти правду. Твой побратим твоего сына убил“. И царь велел перед собою поставити побратима вборзи.

И поставиша перед царем побратима. И рече царь к побратиму: „Злохитрец и ближний бывший друже, про што есми убил сына моего?“. Отвеща побратим царю: „Неповинен есмь“. Царь же рече: „Жена твоя сказа ми дело, злый хитрец, друже дьяволе, а не мой“. Царь велел поставити жену с мужем с очи на очи. Жена же осведетелствова мужа своего пред царем, и положи жена рубашку царьского сына пред царем и глагола жена к мужу: „Се сам сказал еси и рубашку сию дал еси мне хранити да «не скажи никому». Ведь еси головник, и запираешися“. Рече царь побратиму: „Скажи ми“. И рече побратим к царю: „Государь царь, согрешил пред богом и пред тобою. Мой грех ко мне пришед и меня убил“. И рече царь к побратиму: „Коей смерти хочешь?“ Побратим рече: „Славной“. И повеле царь побратима всадити в темницу.

И повеле кликуну кликати на торжищи по всяк день, кто бы на купецкого сына, а на царьского побратима осил положил. И кликаша по три годы, и не положи никто осила. И приде к царю той татя, его же у царя испроси побратим от смерти, и ялся положить на царева...
(На этом повесть обрывается).*

III. Повесть о купце Григории

- Основной текст* — Список Библиотеки им. Ленина, Большак. № 314, XVIII в., лл. 612—618 — А.
- Разночтения* — Список Исторического музея, Забел. № 502 (308), XVIII в., лл. 67 об. — 79 об. — Б.
- Список Общества истории и древностей Российских, № 223, XIX в., лл. 829—836 — В.

* См. примечание в конце статьи на стр. 332.